

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 272032 26 St
Zenica, 14.07.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom YILDIZ TRANSPORT d.o.o. Visoko, Društvo za transport, trgovinu i usluge, Sarajevska b.b., Visoko, na ročištu 14.07.2026. godine, donio je sljedeće:

R J E Š E N J E

Pozivaju se povjeritelji da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji ne predujme iznos naveden u stavu jedan ovog rješenja u odredjenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako povjeritelj predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj YILDIZ TRANSPORT d.o.o. Visoko, Društvo za transport, trgovinu i usluge, Sarajevska bb., Zenica, podnio je prijedlog za otvaranje likvidacionog postupka nad društvom 06.05.2021. godine.

Ročište za zaključenje likvidacionog postupka održano je 16.03.2026. godine na kome je likvidator predložio da se spis prevede u stečaj s obzirom da društvo nema imovine za namirenje prijavljenih potraživanja povjerioca.

Likvidator je na ročištu za ispitivanje uvjeta za otvaranje stečajnog postupka održanom 14.07.2026. godine, izjavio da ostaje kod Izvještaja kao i kod navoda iznesenih na ročištu za zaključenje likvidacionog postupka od 16.03.2026. godine, da ova firma u poslovnim knjigama nema iskazane imovine u vidu nekretnina niti pokretnih stvari nego je samo iskazala potraživanje prema četiri pravna lica koja je likvidator procesuirao i za koja posjeduje pravosnažne izvršne naslove, te da je po zahtjevu povjerilaca i nalogu suda još iz faze likvidacionog postupka pokrenuo izvršne postupke protiv navedenih pravnih lica te je prethodnom provjerom pa i provedenim izvršnim postupcima pred nadležnim sudovima utvrđeno da su navedene firme više godina, poslovno neaktivne te da ne posjeduju bilo kakvu imovinu pogodnu za naplatu potraživanja iz iste. Likvidator je još u toku likvidacionog postupka predlagao povjeriocima zaključenje istog putem prenosa potraživanja umjesto isplate čime bi povjerioci cediranjem navedenog potraživanja bili izmireni u likvidacionom postupku na šta isti nisu pristali te je iz tog razloga likvidator i proveo ove izvršne postupke sa rezultatom kako je naprijed navedeno. Likvidator je obzirom da navedena firma nema nikakve imovine niti novčana sredstava kojim bi se pokrili troškovi otvaranja i vođenja stečajnog postupka što znači i nedostatak stečajne mase, predložio da sud pozove povjerioce da predujme novčana sredstva u visini od 3.000,00 KM koja bi bila dostatna za troškove vođenja stečajnog postupka.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021 i 19/25), pozvao povjeritelje da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić